

人參

茯苓

白姜蚕炒

防風

芎藭

藿香

羌活

蟬蛻各一錢

厚朴姜制五分

水煎服

大連翹飲

治風熱熱毒赤白遊風表裏皆受

患者

連翹

瞿麥

荆芥

木通

蟬蛻

甘草

赤芍

防風

柴胡

滑石

山梔炒

黃芩炒

川歸一錢

水煎服

婦人疝瘕

一名便瘕 俗名瘕子

一名便毒

婦人疝瘕或肝經濕熱下注或鬱怒傷損脾肝其

外症或拘小腹腫痛或玉門焮腫作痛或寒熱

往來增寒壯熱其內症或小便澀滯或腹內急

痛或小腹痞悶或上攻兩脇或晡熱重墜若兩

拘小腹腫痛肝經濕熱壅滯也用龍胆瀉肝湯

玉門腫脹肝火血虛也用加味逍遙散及龍胆

瀉肝湯加木香若槩投散血攻毒之劑則誤甚

矣

一婦人拘中赤腫脹痛以膿內作用托裏消毒散

加此數劑潰而膿清寒熱乃氣血復虛用托裏散而寒熱止用十全大補湯百餘劑而歛

一婦人腹拘腫痛寒熱口苦或時帶下此肝經濕熱不利也用龍胆瀉肝湯而腫痛消用加味逍遙散而寒熱退

一婦人腹拘腫痛小水不利時或胸乳作痛脇腹作脹此肝火氣滯用四物柴胡青皮玄胡木香而愈

一婦人兩拘腫痛腹內一塊不時上攻月經不調小便不利余以為肝脾氣滯而血傷以四君子加芎歸柴胡山梔而愈後因鬱怒前症復作兼胸滿腹脹盜汗此肝木甚而傷脾土也用加味歸脾湯下蘆薈丸而痊

一婦人陰中如梗兩拘腫痛寒熱不食小便頻數小腹重墜余以為肝脾鬱怒所致先以補中益氣加茯苓山梔車前子青皮以清肝火升脾氣更以加味歸脾湯調理脾鬱而愈

龍胆瀉肝湯

治肝經濕熱兩拘腫痛或腹中

疼痛或小便澁滯等症

龍胆草

酒拌炒黃

澤瀉

各一錢

車前子

炒

生地黄

酒拌木通

山梔

炒

黃芩

甘草

各五分

右水煎服

九味柴胡湯

治肝經濕熱下注便毒腫痛或

小腹脇肋結核凡肝胆經部分一切瘡瘍或風

熱結核癰癤

柴胡

黃芩

炒名一錢

人參

山梔

炒

半夏

龍胆草

炒焦

川歸

芍藥

炒

甘草

各五分

右水煎服

蘆薈丸

治肝氣不和剋侮脾胃而患諸症或

三焦肝胆經風熱目生雲翳或疔熱癰癤耳內

生瘡寒熱作痛肌腠消瘦發熱作渴飲食少思

肚腹不調或牙齦蝕落頰腮腐爛下部生瘡等

疔

蘆薈

五錢

胡黃連

當歸

芍藥

炒

龍胆草

酒浸炒焦

川芎

蕪荑

各一兩

木香

甘草

炒各三錢

右為末用米糊丸麻子大每服五十九滾湯

下

鶴膝風

婦人鶴膝風症目胎產經行失調或鬱怒虧損肝脾而為外邪所傷或先腿脚牽痛先或肢躰筋挛既而膝漸大腿漸細如鶴膝之狀而名之也若高腫赤痛者易治若漫腫不赤痛者難治二三月潰而膿稠者易治半載後潰而膿清者難治設先攻伐虧損元氣尤為難治也大要當固元氣為主而佐以大防風湯若食少躰倦者六

君子湯為主晡熱內熱者逍遙散為主寒熱往來者八珍湯發熱惡寒者十全大補湯不寐而驚悸者歸脾湯月經過期者補中益氣為主月經先期者加味逍遙散為主凡潰後當大補脾胃若膿出反痛或寒熱煩渴等症皆屬氣血虧損一切主于補培庶保終吉

一婦患鶴膝兩拗中腿股筋牽作痛內熱寒熱以肝火氣滯之症先用加味小柴胡湯四劑後以加味逍遙為主佐以大防風湯而消又患痢後

兩膝腫痛寒熱往來用十全大補湯為主佐以  
大防風湯而全消

大防風湯

治陰虛邪襲腿膝腫痛等症

防風 附子炮 牛膝 白木炒 羌活 人參

錢各一 川芎一分 桂心 黃耆炒各

芍藥炒 杜仲姜制各 甘草五分 熟地半

水煎服

黑丸子一名和風定痛丸

治跌撲墜墮筋骨疼痛或瘀

血壅腫或外感風寒肢躄作痛若流注膝風初

結服之自消若潰而膿清與補氣血藥自斂孕  
婦勿服

百草霜 白芍各一兩 南星 川烏各炮三錢

白藜 赤小豆各二兩半 白芨 川歸

骨碎補炒各八錢 牛膝六錢

右為末酒糊丸桐子大每服三十九鹽湯濕

酒任下

聖愈湯

治血虛心煩睡卧不寧或五心發熱

熟地黃 生地黃 黃耆炒 人參 川芎

川歸錢各一

水煎服

八味丸

治火衰不能生土以致脾胃虛寒而

患流注鶴膝等症不能消潰收斂或飲食少思或食而不化或臍腹疼痛夜多漩溺益火之原

以消陰翳即此方也

熟地黄

自製乃佳八兩

山茱萸肉

山藥

各四兩

茯苓

牡丹皮

澤瀉

各三兩

桂心

去粗皮能補腎而引虛火下行

歸原一兩

重者切四塊用童便

浸一兩五錢

大附子

用一兩五錢

重者切四塊用童便

浸數日火煨切看無白星為度

星為度

童便

童便

童便

右為末蜜丸桐子大每服七八十九滾湯下

婦人足跟瘡腫

足跟足指腫痛足心發熱者皆因胎產經行失于

調攝虧損足三陰經虛熱所致若腫痛或出膿

用六味丸為主佐以八珍湯胃虛懶食佐以六

君子湯寒熱內熱佐以逍遙散晡熱益善頭目

不清佐以補中益氣湯痰盛作渴或口舌生瘡

亦用前二藥以滋化源大凡發熱內熱晡熱自

汗盜汗等症皆因虛假熱也故丹溪謂火起九

泉陰虛之極也蓋足跟乃督脉發源之所腎一

經所過之地若不求其屬而泛用寒涼則悞甚矣然俗謂為兔噬瘡者蓋獵人被兔咬足跟久而不歛氣血瀝盡其人必死男子酒色過度者亦多患此症

一婦兩足發熱足跟作痛日晡熱甚此腎肝血虛用逍遙散六味丸五十餘劑諸症悉退

六味丸 此壯水制火之劑治腎虛發熱作渴小便淋秘痰壅失音咳嗽吐血頭目暈眩眼花耳聾咽喉燥痛口舌瘡裂齒不堅固腰腿痿軟

五臟虧損自汗盜汗便血諸血凡肝經不足之症尤當用之蓋水能生木故也此水泛為痰之聖藥血虛發熱之神劑又治肝腎精血不足虛熱不能起床即仲景八味丸去附子桂心

### 肺癰

婦人肺癰因外內蘊熱或七情鬱火誤行汗下重亡津液以致肺氣受傷而惡風咳嗽鼻塞項強胸脇脹滿呼吸不利吐痰臭濁膿血腥穢若咳嗽喘急寒邪在表也小青龍湯咳嗽胸脹寒邪

內壅也葶藶大棗瀉肺湯脇脹咳唾腥臭膿已  
成也桔梗湯咳喘短氣或小便短少肺氣虛也  
佐以參耆補肺湯躰倦少食或喘嗽短氣脾肺  
虛也佐以參朮補脾湯作渴飲冷午前嗽甚胃  
火盛也竹葉石膏湯作渴內熱午後嗽甚陰血  
虛也六味丸四物湯口乾飲湯躰倦少食胃氣  
虛也補中益氣湯加五味麥冬口乾內熱咳嗽  
痰涎腎水虛也六味丸益氣湯黃昏熱或嗽甚  
陰火熾也六味丸四物湯加五味麥冬五更嗽

或痰甚脾肺虛也六君子湯嗽而不得眠及兩  
脇疼肝火血虛也六味丸益氣湯大凡前症因  
外淫所侵當祛邪而實上因心火太過當伐木  
而補金若肺氣虛弱當補脾土而生肺金若陰  
火上炎當補脾肺以滋腎水然而發熱喘嗽咳  
唾膿血飲食不入皆脾土不能生肺金肺金不  
能生腎水之敗症苟能純補脾土而生諸臟多  
有復生者若用寒涼脾胃復傷則肺金失養腎  
水益涸虛火上炎薰蒸于肺吾未見其能生之



者其唾膿血脉浮大面色赤者俱難治若陰火妄動或勞嗽吐膿血者尤難治若膿自止脉浮短瀯及始萌者易治

一婦素血氣發熱咳嗽服痰火之劑後吐膿血面赤脉數其勢甚危與膿成而氣血虛也用八珍湯補元氣桔梗湯治肺癰而愈

青龍湯 肺受風邪咳嗽喘急

半夏 乾姜 細辛 麻黃去根

肉桂 芍藥 炙甘草各一錢 五味子炒五分

大附子炮五分 水煎服

葶藶大棗瀉肺湯 治肺癰胸膈脹滿上氣喘

急或身面浮腫鼻塞声重用葶藶炒黃研末每服三錢先用棗十枚水煎入藥再煎食後服

桔梗湯 治肺癰咳而胸膈隱痛胸次腫滿咽

乾口燥煩悶作渴濁唾腥臭

桔梗 枳壳 以仁 桑皮各炒 當歸

貝母 瓜蒌仁 甘草節 防已去皮各一錢 黃芩

鹽水炒 百合蒸各一錢半 五味子炒 甜葶藶炒

地骨皮 知母炒 杏仁各五分 姜水煎服

參補肺湯 治肺癰腎水不足虛火上炎咳

唾膿血發熱作渴小便不調

人參 黃芪炒 白朮 茯苓 陳皮

川歸錢各一 山茱萸 山藥錢各二 五味子 麥冬

炙甘草各七分 丹皮一錢 熟地一錢半 姜水煎服

參芪補脾湯 治肺症因脾氣虛弱咳唾膿涎

中滿不食宜蒸服安藥以補脾土生肺金

人參 白朮錢各一 黃芪錢各二 茯苓

川歸 陳皮錢各一 升麻三分 五味子四分

炙甘草 姜水煎服

人參平肺散 治心火剋肺金患肺痿咳嗽喘

嘔痰涎壅盛胸膈痞滿咽隘不利 方見嗽門

腸癰

婦人腸癰因經行產後瘀血或七情飲食所致其

証小便如淋發熱惡風身皮甲錯腹皮腫急按

之軟如腫狀或腹脹大轉側有水声或繞臍生

瘡或大便出膿其脉遲緊者膿未成用活命飲

以解其毒脉滑數者膿已成用雲母膏以下其膿若二年間遍身微腫大便與臍出膿以息積之症也多致不救內經云腸癰為病不可驚則腸斷而死其坐卧轉側宜徐緩時常少飲稀粥靜養調理庶可保生

一婦人小腹腫痛小便如淋以毒結于內用神效瓜蒌散二劑少愈又以薏仁湯二劑乃痊

一婦小腹痛而有塊脉芤而瀉以瘀血為患以四物加玄胡索紅花菔仁牛膝木香二劑血下而

愈

一婦小腹脹痛大便秘瀉轉側有水聲脉洪數用薏苡梅仁湯一帖下去瘀血諸症頓退以薏仁湯二帖而瘥

一婦小腹脹痛小便不利脉滑數以膿已成服太乙膏五錢膿大下脹痛悉退以瓜蒌散蠟丸九托裏藥而安

一婦因經水多服藥止之致腹作痛以失笑散二帖而瘳又用加味逍遙散數劑而經調

一產婦惡露停滯小腹作痛服瓜仁湯下瘀血而  
痊凡瘀血停滯急宜行之緩則腐化為膿最為  
難治若流注閼斷則患骨疽多為敗症

瓜子仁湯 治惡露未盡或經行瘀血停滯小

腹作疼或成腸瘕等症 方在孕瘕卷

敗醬散 治脉数身無熱腹無積聚按之軟濡

以仁二兩 附子兩 敗醬草一兩二

每服四錢水煎服以小便利為度

每服四錢水煎服以小便利為度

牡丹湯 即牡丹皮 治腸瘕腹軟而痛時下膿

血 方在孕瘕卷

千金大黃牡丹湯 治腸瘕小腹堅腫按之則

痛肉色如故或焮赤微腫小便頻数汗多增寒

脉遲緊未成膿者宜服之

梅仁湯 治腸瘕壅痛大便秘澀 二方在外

神仙蠶蟻丸 最解毒止痛 方在瘕疽門

失笑散 產後心腹絞痛或血迷心竅不知

人事及尋常腹內瘀血積血作痛

五灵脂 炒 蒲黃 炒等分

為末每服二錢酒調下

### 乳癰乳岩

經云乳頭屬足厥陰肝經乳房屬足少陰胃經若乳房忽壅腫痛結核色赤數日之外焮痛脹潰稠膿湧出膿盡而愈與屬胆胃熱毒氣血壅滯名曰乳癰為易治若初起內結小核或如鷲棋子不赤不痛積之歲月漸大巉岩崩破如熟榴或內潰深洞血水滴瀝與屬肝脾鬱怒氣血虧

損名曰乳岩為難療治法焮痛寒熱宜發表散邪腫焮痛甚宜踈肝清胃或不作膿成不潰宜用托裏或肌肉不生膿水清稀宜補脾胃或膿出反痛惡寒發熱宜補氣血或腫焮作痛痛熱內熱宜補陰血或飲食少思時作嘔吐宜補胃氣或飲食難化泄瀉腹痛宜補脾氣或勞碌腫痛宜補氣血怒氣痛腫宜養肝血甚不可用剋伐之劑復傷脾胃也乳岩初患用益氣養榮湯加味逍遙加味歸脾可以內消若用行氣破血

之劑則速其亡

一婦內熱脇脹兩乳不時作痛口內不時辛辣若  
卧而起急則臍下牽痛此帶脉病也小柴胡加  
青皮黃連山梔二劑而安

一婦先熱渴至夜尤甚後兩乳忽腫肝脉洪數乃  
熱入血分用加味小柴胡湯而愈

一婦膿清腫硬面黃少食內熱晡熱自汗盜汗月  
經不行此肝脾氣血俱虛也用十全大補加遠  
志貝母及補中益氣各三十餘劑外用葱熨法

而消

一婦久鬱左乳內結核如杏三月不消心脉澹脾  
脉大按之無力此肝脾氣血虧損以八珍加貝  
母遠志香附柴胡青皮桔梗五十餘帖而消

一婦右乳內結三核年餘不消朝寒暮熱飲食不  
甘此肝脾氣血虧損內服益氣養榮湯外以木  
香餅熨之年餘血氣復而消

一婦乳內結核年餘晡熱食少此血氣不足欲用  
益氣養榮湯彼欲効速另服行破之劑潰出清

膿而歿

一婦乳內結核如粟亦服前藥大如覆碗堅硬如石出血水而歿

神效瓜蒌散

治乳癰及一切癰疽初起腫痛

即消膿成即潰膿出則愈

瓜蒌

一箇爛研

生粉草

當歸

酒洗各半兩

乳香

沒藥

各一錢

用酒煎服良久再服若

肝經血虛結核久而不消佐以四物柴胡升麻白朮茯苓甘草若肝脾氣血虛弱佐以四君芩

湯

滷柴胡升麻若憂鬱傷脾氣血虧損佐以歸脾

玉露散

治產後乳脉不行或身軀壯熱頭目

昏痛大便澀滯等症

人參

茯苓

桔梗炒

川芎

白芷

當歸

芍藥

各一錢

甘草

五分

右水煎服

乳癰初發

貝母為末每服二錢熱酒下即以二手覆按



卓上垂二乳向下良又自通

一  
二  
三  
四  
五  
六  
七  
八  
九  
十

十一



# 幼科

赤水玄珠第二十五卷 幼科目錄

初誕門

甘草法

硃蜜法

秘法

斷臍法

回氣法

戒灸

浴兒法

下地不啼哭

初生大小便不通

胎毒宜下

穀道不通

週身無皮


遍身發泡

陰囊入腹不下

噤風

二十五卷

國家圖書館, NATIONAL CENTRAL LIBRARY, TAIWAN, R.O.C.



撮口

臍風

臍突光腫

臍汁不乾

腸癰

鵞口白屑

鼻風傷顙

潮熱

風熱

看形色声音脉息

診脉歌

看顙顙要畧

入門看証歌

變蒸

明驚風篇

急驚風

慢驚

夜啼

客忤

軀帝

丹毒

赤遊風毒

口瘡

重舌

木舌

腫腭

腫齦

語遲

斷乳法

行遲

項軟

滯頤

目錄終

赤水玄珠幼科第二十五卷



新安生生子孫一奎著輯

小兒門

諸雜症大方脉可以槩治者茲不復錄所  
錄惟異於大方脉者省繁瑣便應治也顧  
余不文然幼科但當闡明証候選擇良方  
俾婦人女子皆可通曉庶為法旨

初誕門

小兒初誕猶如嫩蕊嬌花切當調護得宜庶無不



測之症古謂初離母體口有液毒啼声未出急  
用絲綿裹指拭去口中濁穢為妙此固良法然  
倉卒多不暇及且亦多有拭之而不見物古人  
有落地解毒法回氣法將護法種之森立蒐輯  
于左以為保生良式

甘草法 臨月預備甘草少許以綿裹之臨產時  
用沸湯浸盞內俟兒落地未出声時急取綿裹  
指頭蘸甘草汁拭其口次用硃蜜法

硃蜜法 用甘草湯飛過硃砂末三五分以蜂蜜  
拌勻旋抹口中使其燕下不獨鎮心安神能解  
一切胎熱惡物之毒免痘熱之患

又秘法 用本兒落下臍帶瓦上焙燥為末入辰  
砂黃連甘草各末五分和勻蜜拌做三五次塗  
乳母乳上俟兒吞之必使一日夜吞盡次日惡  
毒皆從大便而出日後不但痘疹稀疎竟有不  
出痘者俟臍帶落下即便製服在六七八日之  
間為妙其辰砂必須研極細末以甘草湯飛過  
任服無害此方一以解毒一以補養蓋臍帶乃

有生初之河車也繫於母之命門兩腎之所主  
乃以腎補腎腎既充足即不受邪故無他日復  
黑歸腎之症亦無顛門不合之疾生一兒即得  
一兒真保生最上一乘良法

斷臍法 千金論云凡結束所留臍帶大約六寸  
長則傷肌又斷臍切不可用刀割蓋鉄器寒冷  
恐傷生氣只須隔單衣咬斷後將暖氣呵七口  
庶無內吊之疾必先用熟湯浴過方斷臍若斷  
後浴之恐水氣入內令兒腹疼

回氣法 初生氣欲絕不能啼者必是難產或冒  
寒所致急以綿絮包裹抱懷中未可斷臍且置  
炭火上燒之仍作大帟撚蘸芝麻油點着于臍  
帶上徃來遍燎之使火氣入臍則腹中溫暖更  
用熱醋湯盪洗臍帶須臾氣回啼哭如常方可  
浴洗斷臍切記

戒灸 北方誕後三日每用艾灸顛門以免驚風  
緣北方地土嚴寒故俗灸之以禦寒善調護者  
何必令兒受此一翻痛苦也今南方每亦倣數

予屢見炎後發熱大小便秘因而驚搐遂致不  
救良切憫焉殆無事生事也詎思南方地熱就  
孕者又不斷慾食淡厚味是貪恣情肆意胎已  
受毒加之以炎是以油濟火也曷克當之

浴兒法 第三日浴兒予每用五枝湯極妙五枝  
湯者桑槐榆桃柳是也各取嫩枝三寸長者二  
三十節煎湯着冷熱入猪膽汁二箇浴之周歲  
內可免瘡疥丹毒又可以避邪惡 蓋三日浴  
兒俗禮也倘兒生脆弱遲十數日或半月亦無

害擇晴明吉日於無風房內浴之

兒生下地即不啼哭不寐吞乳奄奄如死者急看  
喉間懸癭前脞上有一泡用指搗破以帛拭去  
惡血勿令嚥下即能通聲吞乳

初生大小便不通腹脹欲絕者急令人溫湯漱淨  
口吸啞兒之前後心臍下兩手足心共七處每  
處吸啞五七口取紅赤色氣透為度氣透則便  
輕号散 初生大便不通

輕粉二錢生蜜拌熱湯調點兒口中一二次立通

初生六七日不小便。葱白三四寸搗爛人乳拌入兒口內再與乳吮下即通。

楊氏曰小兒在胎受病非一大抵稟氣蘊結壅閉不通宜早取下胎毒。

千金論曰小兒始生其氣尚盛若遇疾病即須下之不及時必成別症。

凡下胎毒只宜用淡豆豉濃煎汁與三五口其毒自下又能助養脾氣消化乳食。

初出胞胎而不吮乳者或由產母過度胎中受寒

則令兒腹痛故不吮乳亦有口中惡物拭之不

及嚥下腹中致令嘔吐茯苓丸木香散治之

茯苓丸 治惡血入腹、脹氣短不能吮乳

赤茯苓 黃連 枳殼炒各 右為末煉蜜丸

梧子大每一丸乳汁磨下 冷者去黃連

木香散 治惡穢入腹嘔吐不止

木香 乾姜 茯苓 木瓜 甘草炙 丁香各

分 右為末每服一錢生姜一片水煎綿蘸捏入

口中効

奇方 治初生不乳及不小便葱號散

葱白打四界破之以乳汁砂礮內煎灌之立効  
小兒初生穀道不通多致不救非藥石可治曾有  
人以銀筋頭燒紅穿通其竅大便始出亦有用  
玉簪穿通者

初生下週身無皮俱是紅肉宜速取白秬米粉遍  
身撲之其皮漸生一日撲三四次以皮遍為度  
初生下遍身如魚泡或如水晶擦破則水滲流以  
蜜佗僧研極細炒過乾摻仍服蘓合香丸

初生六七日後陰囊收縮入腹啼哭不止者受寒  
所致蓋寒則收引也

硫黃 吳茱萸 各五錢 為細末研大蒜調塗臍下  
仍以蛇床子微炒帛包慰其囊即下

初生受風鼻塞不能吮乳不可輕易發散惟大天  
南星為末生姜自然汁調成膏貼於顛門即愈  
又方 草烏皂莢為末葱汁搗膏貼於顛門効

噤風撮口臍風 三種病也

噤風者眼閉口噤啼聲漸少舌上聚肉如粟米狀



吮乳不得口吐白沫大小便皆通蓋由胎中感  
受熱氣毒流心脾故形現於猴舌也或下復為  
風邪搏擊所致一百二十日已前見此皆名禁  
撮口者面目黃赤氣自喘急啼聲不出蓋由胎氣  
挾熱兼之風邪入臍流毒心脾之經故令舌強  
唇青聚口撮面妨於吮乳若口出白沫四肢冷  
者不可救也其或肚脹青筋吊腸疝內氣引  
痛皆腸胃結滯不通治宜疎利蓋撮口最為惡  
候月內見之尤急候也

臍風者非獨謂斷臍之時為水濕風邪所乘多因  
胎中受熱兼之風濕所激遂令肚脹臍腫身體  
重而四肢柔直啼而不乳甚則發為風搐若臍  
邊青黑兼之撮口乃是內搐不治爪甲黑者即  
死其或熱在胸堂伸引努氣亦令臍腫可與干  
金龍膽湯

此三症受病之源皆緣胎毒大槩裏氣壅滯  
總宜取下胎毒為好不可因循畏手畏足姑  
息悞事古方天麻丸定命丹朱銀丸可量與

之須危多活每見臍風撮口七日內見之百  
難一生

凡見此三症急看口中齒齦上有小白點如粟米  
大即宜以溫水蘸帛裹指揩去或用銀簪挑去  
即能開口吮乳不必服藥此感之淺者也感之  
重者照後方按治

安臍散 治臍中汁出或赤腫

白石脂 研極細一日三度傳之 或用油頭  
髮燒灰傳 或當歸末傳亦佳

千金龍膽湯 治胎驚月內氣盛發熱臍風撮口

壯熱四肢搐掣發熱大吐及變蒸不解中惡客  
忤鬼氣并諸驚癇悉皆治之十歲已下皆可服  
有魃氣者加人參當歸兒大者一歲加五錢

龍胆草 釣藤 柴胡 黃芩 桔梗 芍藥

茯苓 甘草 各五錢 蟻螂 二枚去足翅炙 大黃 煨二錢半

右每服二錢水煎去半服之以漸加之俟大  
便行即止 直指方加防風麥門冬以導心  
熱黃芩減半加北棗無蟻螂亦可

控痰散

治噤風先用此吐風涎次與益脾散

和胃

蝎尾

銅青

各五分

硃砂

一錢

膩粉

一字

射香

一分

末每服

一字

茶清調下或用甘草湯吐痰亦可

甘草湯

治撮口取吐風痰

甘草

三錢

水煎服令吐出痰涎却以猪乳點入

口中即愈

益脾散

和胃進乳

白茯苓

人參

草果

煨

木香

濕帶包煨

甘草

陳皮

厚朴

姜製

蘓子

炒各等分

右每服二三錢看大小水煎服

辰砂膏

治眼閉口噤啼声不出吮乳不得口吐

白沫大小便皆通

辰砂

三錢

硼砂

牙硝

各半

玄明粉

二錢

射香

全蝎

珍珠

各一錢

右為細末厚油帛包封自

成膏

每服一莖許粒薄荷金銀湯下

月內用乳汁調傳乳母妳上令兒吮下

天麻丸

斷臍後為水濕風冷所乘入臍流於心

脾遂令肚脹臍腫四肢柔直日夜多啼不能吮

乳此藥利驚化痰凡釣腸鎖肚撮口並効

南星炮二錢 白附子炮 牙硝 天麻 五灵脂

全蝎灸各錢一 輕粉五分 巴霜一字 右為稀糊丸麻子

大每服三丸薄苛生姜湯送下

定命丹 治急驚天釣撮口通利痰熱水片無

全蝎七個 天麻 南星炮 白附子炮各二錢半 硃砂

青黛各一錢半 輕粉 射香各五分 冰片一字 右為末

粟米糊為丸菜豆大每服一九荆芥薄苛湯

化下先研半分次入鼻中

僵蚕散 治撮口

僵蚕直者二條去嘴水洗炒 為末用蜜調傳唇口中立効

蝎梢散 治胎風撮口臍風及百日内急驚風并

諸痰症

蝎梢四十箇 姜蚕去嘴洗去系姜汁炒四十九條 冰片 射各一字

右蝎梢每一個用薄苛葉包線扎定砒砒內

炒至薄苛乾為度全姜蚕研細入冰射和勻

用赤雄鷄肝二片煎湯調下一二分

牛黃散 治初生七日内口噤

牛黃錢一 為末以竹瀝調一字灌之更以猪乳

點入口中

撮風散 治撮口

蜈蚣赤足者 釣藤 硃砂 蝎梢 僵蚕一炊各

射香字 右為末每服一字用竹瀝調下

立聖散 治噤口

蝎梢七 乾蜈蚣一 硃砂一 浸去 嘴足以竹 膩粉少

為末研勻每服一字乳汁調時時滴入口中

蜈蚣散 治口噤不開不能吮乳

赤脚蜈蚣灸焦去頭 為末入射香少許以猪乳

一合分三服

盖猪乳治小兒口噤最良凡取猪乳須令小豬  
兒吮喫方其吃時將小豬後脚提起其口即開  
急將取之即得乳也非此法不能得

蜈蚣散灸焦去嘴 為末猪乳調灌神効 右亦治

牙疳加射香神効

硃銀丸 治臍風壯熱痰盛翻眼口禁取下胎中  
蘊受之毒亦治驚積量病用之

全蝎錢一白附子炮錢半南星炮硃砂字一牛黃

芦會分各五天漿子射香分各五冰片字一僵蚕十

条水銀肉一錢蒸棗研如泥鉛霜水五分和研

右為末粟米糊為丸如芥子大每一丸薄荷

湯下如未利加至二三丸

射香散 治臍風撮口

赤脚蜈蚣酒炙半条川烏頭尖三個射香少許

右為末每服半字金銀湯調下

立聖散 治臍風撮口

赤蜈蚣一条蝎梢七個瞿麥五分姜蚕七個

右為末先用鷲毛管吹少許入鼻啼哭則可

治仍用薄荷湯調服三五分

臍突光腫 臍汁不乾 附腸癰

生生子曰小兒月內旬日臍突光腫如吹捻動微响赤腫虛大可畏此由初生先斷其帶束縛不緊浴洗之時濕入所致用外消散敷之臍汁不乾者內有濕熱及血熱而然宜涼血收濕之藥摻之無不効者惟腸癰一症亦令臍中汁出小

腹腫硬按之則痛小便澀以淋時汗出惡寒  
身皮甲錯肚皮紫如急腫之狀按之濡或發熱無  
汗洒淅惡寒皆其候也甚者腹皮脹大轉側腹  
有水声或遠臍生瘡或膿從臍出或大便膿血  
必有一足不能步皆為惡候

山梔五苓散 治小兒臍突

梔子仁炒 白朮炒 茯苓 猪苓 澤瀉各一錢

肉桂五分為細末每五七分茶湯或灯心湯調下

二莖散 治臍突

赤小莖 豆豉 天南星製 白欵各半錢

為細末每以五分芭蕉自然汁調敷臍四傍  
一日一次三日三次但得小便下白物即消

外消散 臍突光腫如泡

大黃 牡蠣煨各五錢 朴硝一錢

右末多用田螺浸水調一二錢敷臍上其水  
從小便而下即消

封臍散 臍中汁出

紅綿灰 龍骨煨 髮灰 面粉炒各一錢 胭脂一分

右末乾摻濕處

丹礬散 治同上

黃丹 枯礬 等分為細末敷上即乾

又方 蜜佗僧炒貝母 桑螵蛸焙為末摻之妙

又方 墻上多年白螺殼燒為末摻之佳

消癰蒼耳湯 但小腹作痛惡寒肚皮緊急一脚不能舉步即是腸癰

蒼耳子錢二甘草分五杏仁 薄荷 瓜蒌各一

水酒各一鍾煎服其渣包敷臍上二服見效

有膿者加木香當歸各五分

四聖散 治腸癰乳癰一切癰疽便毒神效

黃瓜萎一枚甘草錢四沒藥錢三乳香錢二

酒煎分二次服大便微溏瀉下惡物為妙

薏以仁湯 腸癰腹中疼小便澀

苡仁 瓜蒌仁 丹皮 桃仁各三錢

水煎食前服

神仙蠟礬丸 治腸癰有膿者極效空心酒吞五

六十九



太乙膏為丸梧子大每空心酒下六七十九腸癰

頰瘰

鷲口白屑

初生百日口中生白點不計其數拭之則去少刺  
復有口角流涎水日夜啼哭不乳是也亦由胎  
熱或乳母嗜貪燻炙酒麵貽熱於兒用甘艸黃  
連各一錢煎濃湯以帛裹指口中拭去再不發  
又方 桑樹枝條如煎竹瀝法煎汁洗之亦佳  
又方 黃丹為極細末用竹瀝調塗口中洗之其

白點即落一日洗二三次再以辰砂益元散灯  
心湯調下則不再作神妙

鼻風傷顛

凡乳母夜睡鼻孔切不可與兒頭相近恐呼吸鼻  
風吹其顛門疾變百出慎之慎之

通關散 治鼻風吹顛令兒鼻塞不能吮乳

香附子

炒

白姜蚕

炒各

川芎

七分

荆芥

四分

細辛

二分

牙皂

一分

右末生葱白去鬚搗碎調藥塗顛上佳

潮熱

潮熱者今日發過明日復來如潮水之有信也有一日一發二日一發三日一發或一日兩發似瘧非瘧皆由調護失宜或冒風寒或傷乳食或發瘡疥或陰陽不和或虛熱骨蒸皆當認証速治亦有外感內傷以致臟腑壅滯而成實証當從權下之

一傷寒之後餘熱不解者宜脫甲散兼小柴胡湯一內傷癖塊不消脾胃不和而成潮熱先服脫甲散次搦氣下之後調胃氣

一營衛有熱陰陽不和發為潮熱

一瘡疹後餘毒不解蘊成潮熱宜大連翹飲更與助胃氣則安

梨漿飲子 治潮熱及營熱衛熱兩日一發三日一發五臟蘊熱瘧熱夜發瘧瘧獨熱

青蒿苗 童便浸三次洗淨晒乾 柴胡 人參 前胡

黃芩 秦艽 甘草 或加生地黃 右看大小三五錢水煎入生藕生梨薄荷葉煎服

脫甲散 治傷寒體熱頭目昏沉不思飲食夾驚

夾食寒熱大小便閉煩躁作渴冷汗妄流鬲滿  
腹急日夜大熱并傷風傷暑驚癇客忤疴熱

柴胡 當歸 龍胆草 茯苓 知母 甘草

川芎 各三錢 人參 二錢 右看大小每服三五錢加

連鬚葱白三根水煎服此方散熱扶表救裏  
表虛者汗不妄出裏熱令不閉結外則通閉  
內則開渠經絡疎通臟腑無滯熱在表裡之  
間施無不可積傳驚癇之候用攻必効

地骨皮散 治虛熱潮熱傷寒壯熱

知母 柴胡 人參 甘草 茯苓 半夏

地骨皮 右水煎加姜 有驚熱加蟬蛻天麻

黃芩

秦艽飲子 治疰如前

即上方加秦艽

驚甲飲 治潮熱骨蒸盜汗咳嗽多渴心躁多驚

面色黃瘦 驚甲炙 地骨皮 秦艽 柴胡

枳殼炒 知母 當歸各等分 每服三五錢加桃

柳枝各三寸烏梅一枚水煎服

犀角飲 治骨蒸潮熱盜汗肌瘦

犀角屑 鱉甲炙 柴胡 知母 地骨皮 胡

黃連各五分 大黃 桃枝各二錢半 右水煎服

靈犀飲 治小兒骨蒸潮熱盜汗咳嗽不食多渴

面黃消瘦 犀角 秦艽 甘草 羌活

柴胡 地骨皮 胡黃連各五錢 茯苓 人參各

兩 右每服三五錢加烏梅竹葉煎服

柴胡散 骨蒸潮熱面黃瘦弱

柴胡 地骨皮 甘草各等分 水煎服

青蒿散 肌熱潮熱

青蒿三錢 甘草一錢 烏梅一枚 小麥五十粒

右水煎分三次服

大連翹飲 治胎熱大小便不利諸般瘡癬丹毒

臍風瘡疹壯熱 連翹 瞿麥 荊芥 木通

當歸 赤芍藥 防風 柴胡 滑石 炙甘

草 蟬蛻各一錢 山梔 黃芩各五分

右看大小每加紫草煎服熱甚加大黃

風熱

內素有熱或又冒風發熱咳嗽面赤氣粗大便秘結者但宜平、和解使表裏踈通其熱即退踈風枳殼湯極効

踈風枳殼湯

紫蘓

枳壳

各三錢

杏仁

去皮尖二錢

水煎頓、與服以大便通利熱退為度

熱甚者加黃芩 若大便仍不行用葱煎湯

洗其腰腹取熟葱以臍上下揩之使其氣透

則通利矣 或用生葱尖紵入穀道立通

清上散

治胎熱眼睛腫赤糞色稠黃肚熱啼哭

及身上紅腫或頭頂瘡癩耳出膿汁皆胎毒也

此方神驗

川鬱金

甘草

北桔梗

天花粉

乾葛

薄荷葉 各等分為末入蜜拌勻白湯下三五

七分或一錢仍用艾葉煎膿湯溫浸足底以

引其熱下行

看小兒外証形色音声脉息

經云五臟有五色皆見於面素問曰神之變也其

華在面又云視其五色黃赤為熱白為寒青黑

為痛此所謂視而可見者也錢仲陽云左頰為  
肝右頰為肺額上為心鼻上為脾下頰為腎赤  
者熱隨証治之

眼上赤脉下貫瞳人顙門腫起兼及作坑鼻乾黑  
燥肚大筋青目多直視覩不轉睛指甲黑色口  
作鴟声虛舌出口啣齒咬人魚口氣急啼不作  
声蛔虫既出必是死形用藥速救十無一生  
此吐蛔乃傷寒症故言凶若傷食吐蛔乃是常  
事要知兒病生與死總現面上色音声唇青耳黑人

難救哭声不响赴陰君

声輕者氣清弱也重濁者痛也風也高喊者熱將  
狂声急者神驚也声塞者痰也声戰者寒也声  
噎者氣不順也喘者氣促也噴嚏者知其風呵  
欠者知其倦亦主風陰陽相雜也

診脉詩

小兒有病須憑脉一指三關定真息浮洪風熱數  
多驚虛冷沉遲實有積

左手浮洪風邪所感右手滑大乳食過傷數焚遲

寒以意推詳浮表沉裏者症投湯

看顛顛要畧

凡看嬰孩百日已後周歲已前視其顛而對其症則補瀉用藥調治可斷其吉凶矣

顛門青筋脉虛不榮顛門常陷滑泄便、顛門腫起風痰不止顛門久冷吐利青、顛門虛軟顛癩不免顛門扁濶暴泄易脫顛門歪長風作即亡顛門連額驚風易得顛顛未克怕熱怕寒顛顛緩收胎氣不周顛顛動數神氣昏弱顛顛寬

大受疾恐害顛顛未合筋骨柔弱

顛顛陷者始因臟腑有熱渴飲水漿致成泄痢久則氣虛用狗頭骨炙黃為末鷄子清調敷之顛腫者乳哺不常致寒熱乘於脾家其氣上衝顛為之脹高如堆塚若寒氣上衝則堅硬熱氣上衝則柔軟寒則溫之熱則涼之

封顛散

防風

栢子仁

白芨

各一兩

右末乳汁調塗顛上十日愈

凡解顛之症乃腎氣虛弱腦髓不實不能收斂急

用地黃丸補之 外用大天南星微炮為末米醋調敷于絹帛上貼之

三辛散 治解顱

北細辛 桂心 各五錢 乾姜 七錢 為末乳汁調敷

顱上乾則再塗俟兒面赤則愈

烏附膏 治顱門陷

川烏 大附子 各去皮臍 尖王錢 椎黃 水飛 二錢

右極細末生葱搗爛調成膏貼顱上

地黃丸 治顱解不合腎元不充

人參 二錢 懷熟地黃 四錢 鹿茸 酒炙 懷山藥 茯苓

丹皮 山茱萸 肉各三錢

右末煉蜜丸芡實大每用人參湯化下一丸

傷乳

小兒吮乳過飽腹脹不乳者不必他藥只用大麥

芽 炒 煎湯服之如惡吐加陳皮 發熱者加枳

實 如大便不通加檳榔 蓋氣下則乳自消

也不必用大黃巴豆霜之類

入門看証歌



五指梢頭冷驚來不可當若還中指熱必定是傷寒中指獨自冷麻痘症相傳女右男分左叮嚀仔細看

變蒸

生生子曰古謂三十二日一變生一臟六十四日一蒸生一腑三百二十日十變五蒸畢則臟腑完而人始全也大意謂人有三百六十五骨度而合周天之數以期歲諒之云、也愚謂嬰孩離母則腑臟已自具足豈待變蒸完而後始生

哉觀其下地罔然一声便能呼吸飲乳大小便一如大人設臟不完啼声安出又安能飲乳而成大小便哉由是推之所謂變蒸者乃氣血按月交會煅煉使臟腑之精神志意魂魄遞長靈覺漸生爾氣血有太過有不及故寒熱之發有輕重有晏早不然觀今之嬰孩未嘗月、如其所云三十二日必一變六十四日必一蒸也發寒熱者百中僅一二耳間或有之亦不過將息失宜或傷風傷乳而偶與時會耳雖不服藥隨

亦自愈茲姑採什數方以備參用若謂生臟生腑之助則其謬也不辯自知

清解湯 變蒸熱多寒少面赤息粗有似傷風表裏無汗或發癰疹咳嗽並皆治之

柴胡分五前胡分四酒苓分五甘草分三葛根分三杏仁分四枳殼分三白芍藥分七水煎服

柴胡湯 治變蒸骨熱心煩啼叫不已

人參 甘草炙 麥門冬去心各二錢 防風 龍胆草 各錢 柴胡三錢 每服三錢水煎服

惺惺散 治變蒸發熱或咳嗽痰涎鼻塞声重瘡

疹發熱 人參 白朮 茯苓 甘草 芍藥 桔梗 細辛 麦芽各等分 每服一錢加姜煎服

當歸散 治變蒸有寒無熱

當歸二錢 木香 桂心 人參 甘草炙各一錢 每服二三錢姜棗水煎服

調氣散 變蒸吐瀉不乳多啼

木香 香附酒製 人參 橘紅 藿香 甘草 各等分 每服三錢姜二片棗一枚水煎服

明驚風篇

孫仲子泰來曰驚者病之名風者病之象言其抽搐有似於風之動而為名也

生生子曰小兒之症莫大於驚風以其疾顧盼間暴若雷迅而電逝也緣其致疾之由有二極須體認不可循俗只曰驚風驚風云耳何言之夫驚有因外因內外至者或耳聞異声目擊異物驀然仆地者是也内生者由痰生熱、生風也所得之由既殊療治之法必異治外須當養神

治內自宜清降予慨今之專門偶獲一方便大言曰治急慢驚風如神急慢二字漫無分別視之得無太易乎不思急屬陽陽為熱為實慢屬陰陰為虛為寒碩治法實熱即當清當瀉虛寒即宜溫宜補蓋治寒之劑不能治熱治熱之劑不能治寒聖哲莫能越其矩也世無大丹曷能以一藥槩能治其寒熱虛實者乎急慢二字間有能言之者至於內外之因鮮有知之者矣予故揭而論之以補其畧

急驚風

生生子曰急驚風者乃有數種之殊須當細察觀  
古人治法有云鎮驚者有云利驚者有云涼驚  
定驚截驚者究其法明是教人要知邪之入於  
何經識投劑有此數等之緩急也蓋邪之入心  
則面紅頰赤惕、夜啼邪之入肝則面目俱青  
眼竄上視邪之入腎則面黑惡叫啮齒咬牙邪  
之入肺面色淡白喘息氣乏邪之入脾面色淡  
黃嘔吐不食此亦大約言之耳仍當審其兼症

蓋此疾之發其始未有不由於痰熱者雖有五  
臟之殊尤重在心肝二臟內積痰熱外挾風邪  
風火交爭血亂氣併呼吸貴鬱閉竅壅塞面赤  
努氣百脉凝澁總由痰涎膠固而肝風心火無  
所踈泄故頭搖眉掣目斜上視搐掣不休名曰  
急驚症固暴烈乃為陽症陽盛則多動而症實  
熱故列已上數法非若慢驚陰症者所可比也  
急驚須當急治先宜通關通關後且與截風定  
搐設仍不定乃議下之痰熱既降又當養胃安

神若搐定而仍有微邪但用輕劑消痰清熱則破竹之勢自當迎刃而解也

孫季子朋來曰夫治急驚當下即下第不可過用寒涼及巴霜水銀茫硝輩蕩滌太驟蓋已上諸劑與腦射等藥醫家有所急而用之殆亦不得已也疾去即止若不當用而用或當用而過用慢驚之成率多由此可不慎哉凡欲下之際須當細問前師已下未下或曾經吐瀉否也設已經下及曾吐瀉者不敢再擬下劑只須驅風

化痰清熱令其自己不可峻攻重傷胃氣若體認未明不可孟浪施治先與通關嚏驚輩以開其竅次用人參羌活散定搐散在意選擇下劑亦有三等輕則利驚丸稍重則用疎風散柴胡加大黃湯重則用天麻丸牛黃涼膈丸下後和胃補氣用生氣散茯苓二陳湯藜合香丸之類寧心定志丸全蝎散溫膽湯此等不寒不熱祛風鎮驚之餘酌而繼之以防再發庶稱良師凡急驚鼻衄者乃隄明經中熱壅將散從血而解

此易治口中吐血者乃心血為熱迫妄行難治  
犀角湯加滑石牡丹皮黃連山梔

凡急驚抽搐聽其自發自止切不可令人緊抱束  
繫之恐他日有痼疾以氣不得流通故也

通關散 治驚風搐搦關竅不通

南星炮一錢 射字一錢 牙皂二條 赤蜈蚣一條 僵蚕一錢

右為末生姜汁拌擦牙或筋引滂入藥二三  
點吐出涎關自開

噓驚散

半夏一錢 猪牙皂角五分

右為末每用少許吹入鼻中噓出立甦

全蝎散 治驚風不語通竅豁痰

全蝎七枚 各用紫蘘葉包塗  
蜜炙去葉再換葉炙

右末每服一字 姜汁入蜜少許拌勻灌入口中

開牙散

細辛 南星 朴硝各一錢 全蝎五枚 麝香五分

右為末以少許用烏梅肉揉和擦牙外用細  
辛皂角荆芥為末吹入鼻中

人參羌活散 治驚風熱涎潮牙關緊急或中風

柴胡去芦 五錢 地骨皮 天麻酒炙 人參 芎藭

獨活 枳壳 茯苓 羌活 桔梗各五錢 甘草

分三右每服三五錢生姜薄荷湯調服 加蟬退

治驚熱躄硬加麻黃乾葛苡仁

釣藤飲 治一切驚風潮搐神思昏迷目瞪上視

但是驚風變易皆効

麻黃節去 甘草 蟬退五枚去翅足 升麻 川芎 龍

膽草各一錢 天竺黃 釣藤 羌活 獨活

防風各三錢 右每三五錢加竹葉七片薄荷葉

五片水煎服

琥珀散 急慢驚風涎潮昏冒目瞪抽搐內釣肚

疼及和順痘瘡小可驚哭眠卧不安入口立効

又治驚癇常服安心定志

辰砂 琥珀 牛黃 僵蚕炒 全蝎去毒 天麻

南星牛胆製 白附子 炮 蟬退 代赭石 乳香各一錢

射香一字 右為末三歲半字薄荷金銀湯下

慢驚加附子